

Kalendari i lutjes “Ngritja e Kampionëve” Tetor 2019

1. Zoti është në kontroll – Pavarsisht se çfarë ndodh në jetën tuaj, mbani mend Zoti është në kontroll. Nuk ka pasur kurrë panik në qiell dhe as nuk do të ketë. Falenderojeni Zotin për dashurinë dhe kujdesin e tij. (Psalmi 71:6)

2. Ji dallues – Sipas Biblës, i ligu shpesh e shfaq veten të maskuar (2 Kor. 11:4) dhe ai është më i rrezikshëm se kurrë kur shfaqet i maskuar si një ëngjëll drite. Lutuni që Zoti ynë, me anë të Frymës së Shenjtë do t'i pajisë besimtarët me aftësinë për të dalluar frymërat (1 Gjon. 4:1)

3. Qëndro i fokusuar – Jezusi tha: “Ai që beson në mua, siç ka thënë Shkrimi, nga brendësia e tij do të burojnë lumenj uji të gjallë.” (Gjoni 7:38). Falenderoni sot që Zoti i mban premtimet e tij duke u dhënë Frymën e Shenjtë gjithë ndjekësve të tij.

4. Ji i vërtetë – Nëse mendon se e meriton të shpëtohesh, ndërsa të tjerët jo, atëherë duhet ta mendosh dy herë. Sipas Fjalës së Zotit të gjithë jemi mëkatarë. Falem nderit Zotit që në mëshirën e tij, ai ka shpëtuar mëkatarët si unë dhe ti. (Rom. 3:22-24)

5. Pasion për shpirtrat – Privilegji më i madh që mund të keni si ndjekës i Krishtit është të sillni njerëz të tjerë në prezencën e tij. Lutuni sot që ju do t'ju jepet privilegji i drejtimit të mëkatarëve tek Krishti. (Jakobi 5:20)

6. Besim tek Perëndia – Siguria e Jobit garantohet rrallë në këtë kohë. Lutuni që etërit do të modelojnë për fëmijët e tyre varësi besnike tek Zoti për të gjithë nevojat familjare. (Mat. 6:34)

7. Ndero Zotin – Lutuni për burrat dhe etërit që të bëjnë më të mirën në vendin e tyre të punës dhe në shtëpi, si një dëshmi përkushtimi ndaj Zotit për gratë dhe fëmijët e tyre. (Efes. 6:5-6)

8. Jini të mirë – Bashkëshortët mund ta ofendojnë njëri-tjetrin me fjalë apo me veprime. Lutuni që burrat do t'i falin gratë e tyre dhe nuk do të mbajnë mëri ose hidhërim kundra tyre për ndonjë fyerje. (Mark 11:25)

9. Ushtroni vetkontrollin – Divorci mund të krijojë një ambient zemërimi dhe një gjuhë poshtëruese. Lutuni që burrat nuk do të përdorin fjalë të shëmtuara për nënat e fëmijëve të tyre. (Efes. 4:29)

10. Numëroni bekimet tuaja – Lutuni që Zoti do të mbushë zemrat e burrave me lavdërim dhe falenderim për familjet që Zoti u ka dhënë. (Ps. 106:1)

11. Qëndroni të qetë – “Mos u dëshpëro për shkak të njerëzve të këqij; mos ki smirë ata që veprojnë me ligësi “ (Ps 37:1). Le t'i rezistojmë tundimit për t'u dëshpëruar për shkak të suksesit që kanë njerëzit që bëjnë të këqija.

12. Mos vrapo – “Ki besim tek Zoti dhe bëj të mira; bano vendin dhe shto besnikërinë” (Ps. 37:3). Le të jemi të qetë dhe të bëjmë të mira, që tashmë janë përgatitur nga Zoti për ne.

13. Jeta e plotë – “Gjej kënaqësinë tënde në Zotin dhe ai do të plotësojë dëshirat e zemrës sate” (Ps. 37:4). Vetëm në një marrëdhënie të ngushtë me Zotin ne gjejmë atë që qetëson shpirtin tonë, pikërisht aty aftësohemi të shijojmë bekimet që Zoti ka përgatitur për ne.

14. Zoti bën gjithçka mirë – “Vendose fatin tënd tek Zoti, ki besim tek ai dhe ai ka për të vepruar.” (Ps. 37:5). Besoji Zotit dhe Ai do të kujdeset për ty edhe kur rrethanat janë kundra teje.

15. Ji mirënjohës – “Vlen më tepër e pakta e të drejtit se sa bollëku i shumë të pabesëve” (Ps. 37:16). Mirënjohja e vërtetë dhe përlësia pasurojnë jetën tonë.

16. Zoti është i drejtë– Në një botë të mbushur me padrejtësi sociale, ne ndërmjetësojmë tek Zoti, i gjithëdituri, gjykatësi i drejtë. Në epokën që do të vijë ai do të thajë çdo lot dhe çdo gjë të gabuar do ta bëjë të drejtë. Kini besim në Zotin. “Por unë jam si një dru ulliri që gjelbëron në shtëpinë e Perëndisë; kam besim gjithnjë në mirësinë e Perëndisë. Do të të kremtoj gjithnjë për sa ke bërë, dhe në prani të shenjtorëve të tu do të kem shpresë të patundur në emrin tënd, sepse ai është i mirë.” (Ps. 52:8-9).

17. Kini frikë Zotin – Shërbesa e profetit Isaia filloi nga një vizion i lavdisë së Perëndisë: “unë pashë Zotin të ulur mbi një fron të ngritur dhe të lartë, dhe cepat e mantelit të tij mbushnin tempullin. ...[Engjëjt thërrisnin] “I Shenjtë, i shenjtë, i shenjtë është Zoti i ushtrive. Tërë toka është plot me lavdinë e tij” (Isaia. 6:1,3). Në nderim për Zotin, le të bëjmë pjesën tonë për ta prezantuar atë në brezin tonë.

18. Jezusi mund t'ia dalë – Jezusi ushqeui një turmë me mbi 5,000 vetë me drekën e një djaloshi. " Andrea, i vëllai i Simon Pjetrit, një nga dishepujt e tij, i tha: “Këtu është një djalosh që ka pesë bukë elbi dhe dy peshq të vegjël; por ç'janë këto për aq njerëz?.” (Gjoni 6:8-9). Ai në mënyrë të mrekullueshme i ushqeui të gjithë me bollëk. Po kështu, edhe ne mund t'i vëmë

burimet tona të vogla në duart e Zotit dhe t'i besojmë atij t'i përdorë në mënyra të mrekullueshme.

19. Jeto me hir – Ne mund të jetojmë në mënyrë të suksesshme si burra të Perëndisë duke hapur zemrat tona dhe duke jetuar me anë të hirit: " Ne në fakt në Frymë, nëpërmjet besimit presim shpresën e drejtësisë, sepse në Jezu Krishtin, as rrethprerja, as parrethprerja s'kanë ndonjë vlerë, por besimi që vepron me anë dashurie." (Gal. 5:5-6). Lutja është një aspekt jetësor i kësaj marrëdhënie mbështetur tek hiri me Atin tonë në qiell.

20. Jezusi është ndërmjetësuesi ynë – Lutjet tona janë sakrifica shpirtërore ofruar përmes Shpëtimtarit tonë që është ringjallur. "[Në besëlidhjen e re] shfaqet [në Jezus Krishtin] një prift që nuk u bë i tillë në bazë të ligjit të porosisë së mishit, po në bazë të fuqisë të jetës së pashkatërrueshme... prandaj edhe mund të shpëtojë plotësisht ata që me anë të tij i afrohen Perëndisë, sepse gjithmonë rron që të ndërmjetësojë për ta. " (Heb. 7:16, 25).

21. Mos ki frikë – O Zot, ti je drita dhe shpëtimi ynë – nga kush do të kemi frikë? Ti, Zot, je fortësia e jetës sonë – nga kush do të kemi frikë? (Ps. 27:1)

22. Ki besim – Kur njerëzit e këqij, armiqtë dhe kundërshtarët e mi më sulmuan për të ngrënë mishin tim, ata vetë u lëkundën dhe ranë. Edhe sikur një ushtri të dilte kundër meje, zemra ime nuk do të kishte frikë; edhe sikur një luftë të pëlçiste kundër meje, edhe atëherë do të kisha besim. (Ps. 27:2-3)

23. Në kujdesin e tij – Një gjë kërkojmë nga ty o Zot, vetëm këtë kërkojmë: që të banojmë në shtëpinë e Zotit tonë, të gjitha ditët e jetës sonë,

për të soditur bukurinë tënde dhe për të kërkuar ty në tempullin tënd. (Ps. 27:4)

24. Garanci e sigurt – Sepse ditën e fatkeqësisë ai do të më fshehë në çadrën e tij, do të më fshehë në një vend sekret të banesës së tij, do të më lartojë mbi një shkëmb. Dhe tani koka ime do të ngrihet mbi armiqtë e mi që më rrethojnë, dhe do të ofroj në banesën e tij flijime me britma gëzimi; do të këndoj dhe do të kremtoj lëvdimet e Zotit. (Ps. 27:5-6)

25. Kërko Zotin – O Zot, dëgjo zërat tanë, kur të këlthasim ty; ki mëshirë për ne dhe përgjigju. Zemra ime më thotë nga ana jote: "Kërkoni fytyrën time". Unë kërkoj fytyrën tënde, o Zot. Mos ma fshih fytyrën tënde, mos e hidh poshtë me zemërim shërbëtorin tënd; ti ke qenë ndihma ime; mos më lër dhe mos më braktis, o Përendi e shpëtimit tim. (Ps. 27:7-9)

26. Jam i pranuar – Edhe sikur babai im dhe nëna ime të më kishin braktisur, Zoti do të më pranonte. O Zot, më mëso rrugën tënde dhe më udhëhiq në një shteg të sheshtë, për shkak të armiqve të mi. (Ps. 27:10-11)

27. Perëndia mban të ardhmen – Mos më braktis në dëshirat e armiqve të mi, sepse kanë dalë kundër meje dëshmitarë të rremë, njerëz që duan dhunën. Oh, sikur të mos isha i sigurt të shoh mirësinë e Zotit në dheun e të gjallëve! Ki besim të madh te Zoti; ji i fortë, ki zemër; ki besim të madh te Zoti. (Ps. 27:12-14)

28. Persekutim – Mos e merrni asnjëherë si të mirëqenë lirinë e besimit. Organizata "Dyert e hapura" ka deklaruar se vetëm në Azi, 11 të krishterë vriten çdo ditë për besimin e tyre. Lutuni për dashurinë e Zotit që t'ju motivojë të

jeni dëshmitarë për Krishtin; dhe lutuni për kishën e persekutuar. (Mat. 5:10-12)

29. Guxim – Të jetoni sipas standartave biblike është kundra kultërës. Jini të vërtetë në mënyrën si praktikoni besimin tuaj të krishterë në shtëpi dhe në publik. Përgatituni t'i përgjigjeni kujtdo që pyet për arsyen e besimit tuaj. Jini dritë dhe kripë për botën sot. (1 Pjet. 3:15)

30. Pasion për shpirtrat – Zoti do që të gjithë njerëzit të vijnë në shpëtim. Kjo është arsyeja pse Jezus Krishti dha jetën e tij të përkryer në kryq si një shpengim për mëkatin. Nëse je një dishepull i Krishtit, lutu për pasion për shpirtrat dhe që Zoti të tregojë si mund t'i arrish të tjerët me lajmin transformues të ungjillit. (Mat. 28:18-20)

31. Qëndroni për Jezusin – Mos u hutoni nga filozofia e njerëzve, feve, ideologjive dhe politika; përkundrazi, kërkoni të vërtetën në Fjalën e Zotit, Biblën. Dorëzoheni vullnetin tuaj tek Zoti dhe lejojeni atë ta jetojë jetën e tij në ju dhe përmes jush. (Gal. 2:20)